


3

HARVARD COLLEGE LIBRARY
FROM THE
HARVARD YENCHING
INSTITUTE
SEP 30 1929

~~CH 6428.4512~~


~~5366/4512.1~~

5344/4512.83



忠獻韓魏王家傳卷第十

熙寧四年公至大名二年矣又上章乞邢相



改永興軍節度使再任制曰分陝稱伯召南當公職之
尊啓魏就封畢萬得國名之大況吾元老爲世宗工久
倚帥垣之嚴宜遷尹節之寵飭宣典策敷告縉綬具官
琦道醇而深器遠而博渾渾忠孝之業憲憲文武之資
感通仁朝亮衆采于台極翼載英考捧大明於天衢肆
朕纘圖厥初謀落燮諧四氣之序熙輯百家之成登昭
公槐奄涖國社鎮定大事妥如九鼎之安承寧諸侯端
若元龜之信歲勤再閱師律旣和重念郊圻之雄旁據

河山之險徒得君重以宣王靈就更西雍之旄留主北
門之鑰載敦爰賦并實幹封於戲漢咨陳平安危注于
上意唐因裴度輕重繫乎厥身維迺純誠無媿前烈懋
服休命往其欽哉可特授依前守司徒檢校太師兼侍
中行京兆尹魏國公充永興軍節度管內觀察處置等
使再任判大名府兼北京留守司事畿內河堤勸農監
牧使充大名府路安撫使兼大名府路駐泊馬步軍都
總管加食邑一千戶食實封三百戶功臣散官勲如故
公力辭不拜後及三年復乞納節如前請章七上不許
滿四年再請六年二月移判相州契丹遣使辦理河東

地界上賜手詔詢訪公奏曰臣伏蒙聖慈特差入內內
侍省內東頭供奉官幹當內東門司裴昱賈賜臣手詔
以朝廷通好北虜幾八十年近歲以來生事彌甚代北
之地素有定封而輒開釁端妄來訴理比敕官吏同加
按行雖圖籍甚明而詭辭不服今橫使復至意在必得
朕以祖宗盟好之重固將優容虜情無厭勢恐未已萬
一不測何以待之古之大政必詢故老卿夙懷忠義歷
相三朝雖爾身在外乃心固不在王室其所以待遇之
要禦備之方密具以聞朕將親覽臣晚年多病心力耗
殫日欲再乞殘骸保此旦暮不意陛下以北虜生事深

思預防記及孤愚曲有訪逮敢不勉竭衰殘少塞聖問
臣竊以契丹稱疆北方與中國抗者蓋一百七十餘年
矣自石晉割地并有漢疆外兼諸戎益自驕大在祖宗
廟屢嘗南牧極肆凶暴當是時豈不欲悉天下之力必
與虜角哉終以愛惜生靈屈就和好凡疆場有所興作
深以張皇引惹爲誠以是七十年間二邊之民各安生
業至於老死不知兵革戰鬪之事至仁大惠不可加也
臣觀近年以來朝廷舉事則似不以大敵爲卹虜人素
以久疆之勢於我未嘗少下一旦見形生疑必謂我有
圖復燕南之意雖聞虜主孱而佞佛豈無疆梁宗屬與

夫謀臣策士引先發制人之說造此釁端故屢遣橫使
以爭理地界爲名觀我應之之實如何耳所以致虜之
疑者臣試陳其大略高麗臣屬契丹于朝廷久絕朝貢
向自浙路遣人招諭而來且高麗小邦豈能當契丹之
盛來與不來于國家無所損益而契丹知之謂朝廷將
以圖我此契丹之疑也秦州古渭之西吐蕃部族散居
山野不相君長耕牧自足未嘗爲邊鄙之患向聞疆取
其地建熙河一路殺其老小以數萬計所費不貲而河
州或云地屬董氈董氈即契丹壻也旣恐闢地未已豈
不往訴而契丹聞之當謂行將及我此又契丹之疑也

北邊地近西山勢漸高仰不可爲塘泊之處向聞差官領兵徧植榆柳異其成長以制虜騎然興於界首無不知者昔慶曆慢書所謂叛立隄防鄣塞要略無以異矣然此豈足恃以爲固哉但使契丹之疑也河朔義勇民兵置之歲久耳目已熟將校甚整教習亦精而忽然團保甲一道紛然義勇舊人十去其七或撥入保甲或放而歸農得增數之虛名破可用之成法此又徒使契丹之疑也自虜人辦理地界河朔沿邊與近裏州郡一例差官檢討修築城壁開洵壕塹趙冀北京展貼之功役者尤衆敵樓戰棚之類悉加換葺增置防城之具率令

備足逐處衣甲器械累次差官檢視排垛張盤前後非一又諸處劾都作院頒降新樣廣謀造作澶州等處劾爲戰車此皆衆目所覩謀者易窺且虜人未有動作彼無秋毫之損而我已費財殫力先自困弊又徒使契丹之疑也近復置立河北三十七將各專軍政州縣不得關預雄州地控極邊亦設將屯兵其隨軍衣物有令兵士已辦者有令本營增置者有令官造給付者以至預籍上戶車馬驢騾準備隨行明作出征次第不可蓋掩此又深使契丹之疑也夫北虜素爲敵國施設如此則積疑起事不得不然亦其善自爲謀者也今橫使再至

初示偃蹇以探偵朝廷況代北與雄州素有定界若優容而與之實慮虜情無厭浸淫不已誠如聖詔所諭固不可與或因其不許虜遂持此以爲已直縱未大舉勢必漸擾諸邊卒隳盟好蓋事有因緣而至此者乃煩明詔訪以待遇備禦之要自顧老朽夙夜思之其將何策上助聖筭然臣聞言未及而言謂之躁言及而不言謂之隱臣昔曾言散青苗錢不便事而言者輒肆厚誣非陛下之明幾及大戮自此新法之下雖其間有未協人情者實避嫌疑不敢更有論列今親被詔問事繫國家安危言及而隱是大不忠罪不容誅矣臣嘗竊計始爲

陛下謀者必曰自祖宗以來紀綱法度率多因循苟簡非變不可也治國之本當先富彊之術聚財積穀寓兵於民則可以鞭笞四夸盡復唐之故疆然後制作禮樂以文太平故始散青苗錢使民出利所得之利復以爲本必務多取歲增本錢無有定數又爲免役之法自上等以至下戶皆令次第出錢募人應役從來上戶輪當衙前重難故其間時有破敗者今上戶一歲出錢不過三十餘緡安然無事而令下戶素無役者歲歲出錢此則損下戶而益上戶雖百端補救終非善法又役錢之內每歲更納寬剩錢以備它用此所謂富國之術者也

且農民送納夏秋稅賦一年兩次納不前者始有科校之刑今納青苗與役錢已是加賦有過限者亦依二稅法科校則是一戶一歲之中常負積滯之貨候民急求則依元買價與之民有祭祀喪紀就官中借物限旬日三月還官而不取其利制置司何不將此周公太平已試之法盡申明而行之豈可獨舉注疏貸錢取息之利事以詆天下之公言哉鄭康成又注云王莽時貸以治產業者但計贏所得受息無過歲什一公彥疏解云王莽時雖計本多少為定及其催科唯質贏多少假令萬錢歲贏萬錢催一千贏五千催五百餘皆據利催什一

臣謂王莽時

錢歲終贏得萬錢只令納一千

則納息更薄比今於青苗錢取利尤為寬少而王莽之後上自兩漢下及有唐更不聞有貸錢取利之法今制置司遇堯舜之主不以二帝三王之道上裨聖政而貸錢取利更過王莽之時此天下不得不指以為非而老臣不可以不辨也況今天下田稅已重固非周禮什一之法則又隨畝更有農具牛皮鹽錢麩錢鞋錢之類凡十餘名件謂之雜錢每遇夏秋起納官中更將紬絹斛斗低估價例令民將此雜錢折納又每歲將官鹽散與人戶謂之蠶鹽令民折納絹帛更有預

買轉運司和買兩色紬絹如此之類不可悉舉皆周禮
田稅什一之外加斂之物六次科校民不勝矣稍遇水
旱則逋負官錢流移失業事已著見孰敢言者又內外
置市易務盡籠天下商旅之貨官自取利主者以得利
為功錐刀必取小商細民遂無所措加以新制日下更
改無常州縣官吏茫然不能詳記稍有違者皆坐徒刑
雖經赦降去官不得原免監司督責以刻為明簿法之
苛過於告緡故州縣之間官吏惴惴然日苟一日皆以
脫罪為幸夫農者國之根本也商者能為國致財者也
官吏助朝廷之教化者也今農者則怨于畎畝商者則

難于道路官吏則所在不安其職而恐陛下不能盡知
也夫欲攘斥四夸以興太平而先使邦本困搖衆心離
怨振古以來未聞能就此則為陛下始謀者之大誤也
陛下有堯之仁舜之聰知其所誤能改不吝聖人之大
德也又今好進之人不顧國家利害但謂邊事將作富
貴可圖獻策以干陛下者必曰虜勢已衰特外示驕慢
耳以陛下神聖文武若擇將臣領大兵深入虜境則幽
薊之地一舉可復此又未之思也今河朔累歲災傷民
力大乏沿邊次邊州郡芻糧不充新選將官皆麤勇寡
謀之人義勇保甲新點未經訓練若驅重兵頓于堅城

之下糧道不給虜人四向來援腹背受敵欲退不可其
將奈何此太宗朝雖曹彬米信名德宿將猶以致岐溝
之敗也臣愚今為陛下計謂宜遣使報聘優致禮幣開
示大信達以至誠具言朝廷向來興作乃修備之常與
北朝通好之久自古所無豈有它意恐為謀者之誤耳
且疆土素定當如舊界請命邊吏退近者侵占之地不
可持此造端欲隳祖宗累世之好永敦信誓兩絕嫌疑
望陛下將契丹前所疑之事如將官之類因而罷去以
釋虜疑萬一聽服則可以遷延歲月陛下益養民愛力
選賢任能踈遠姦諛進用忠鯁使天下悅服邊備日嚴

塞下有餘粟帑中有羨財俟虜果有衰亂之形然後一
振威武恢復舊疆快忠義不平之心雪祖宗累朝之憤
陛下功德赫然如日照耀無窮矣如其不服決欲背約
則今河北諸州皆深溝高壘足以自守虜人果來入寇
所在之兵可以伺便驅逐大帥持重以全取勝然自此
彼來我往一勝一負兵家之常不可前料即未知何時
復遂休息也至於清野之法則雖盡行蓋事宜之際不
可率一境之民比戶將牛馬餼糧盡入城郭蓋至時或
有往山寨者或有挈家渡河者或有留人看守莊舍
者或有就近入居城郭者當使人得自便方保安全固

不可按圖先定必令盡入城郭而居也雖有嚴令必不從也在祖宗朝屢經北虜之擾鄉民避寇率亦如此願朝廷不須一一處置臣歷事三朝十年輔相官已極品歸守故郡萬事無不足者年將七十宿疹在身每思告老而去庶全始終此緣聖問之及因敢一貢盡言非嫉善也非求進也用是足以自信今天下之人漸不敢以直言為獻臣實不忍負累朝眷遇之恩猶覲愚瞽一悟聖心為宗社之盛福惟陛下加察賜以不疑非獨老臣幸甚天下幸甚時文潞公富鄭公曾魯公同被詔問公所對最為切直七年秋公累上章乞致仕章每上上必

遣近侍賫詔慰諭不允明年夏公又力謝事復改永興軍節度使京兆尹再任公方力辭而疾革矣八年六月二十四日薨于相州之正寢前一夕有大星隕于書錦堂側享年六十八訃至京上震悼甚輟視朝三日遣中使慰撫本家凡典禮悉令按趙普故事施行贈尚書令告第曰朕勿休聖緒綏撫四方實賴全德老臣藩屏王室今其亡也何痛如之故推忠宣德崇仁保順守正協恭贊治純誠亮節佐運翊戴功臣永興軍節度管內觀察處置等使開府儀同三司守司徒檢校太師兼侍中行京兆尹上柱國魏國公食邑一萬六千八百戶食實

封六千五百戶韓琦靖淵以有謀莊重而不撓早有天下之望自結人主之知出入三朝周旋二府仁皇與子既推定策之功先帝建儲復預受遺之托訖繇輔翼以底丕平澤被生民勲在社稷嚮乃懇辭重任出撫近藩屢厭節旄之榮願還印綬之寄方深注倚遽此殲亡夫三省之官惟尚書令為尤重非功德卓越不以假人眷言老成宜峻徽典尚其精爽膺此寵榮可特贈尚書令宣制文德殿以公配享英宗廟廷制曰功茂者賞惟其稱德厚者報不可忘故命冊褒崇舊史有追封之典祀祧躋配前書存與享之文蓋君臣之義不獨欲榮寵之

於其生抑邦家之光實亦異顯揚之於不朽惟時故老翼我前朝式敷誥於治庭肆儀圖於典禮故永興軍節度使守司徒檢校太師兼侍中魏國公贈尚書令韓琦才資沈偉宇量恢宏勇義出於至誠朴忠可以大受盡瘁于國利無知而不為任重于時事雖難而必濟惠澤有加于四海謀猷實紀于三朝緬懷弼亮之勤重起淪亡之痛是用進登烈考之清祐裨序功臣于大丞上以慰祖宗之靈下以為忠義之勸於戲為臣至此可無愧于前良與國同休庶永傳于茂烈茲惟盛美以荅元勲可配饗英宗皇帝廟廷主者施行上以尚書令不兼官

是爲真令特以贈公又配享特鎖院告廷皆異典也上
又遣禮官太常丞集賢校理李清臣致祭于柩前又遣
內侍詢本家所欲凡例外令一切條上復命姪正彥自
兩浙提舉官知相州令過闕賜對面諭令照管諸孤差
入內都知利州觀察使張茂則監護葬事入內供奉官
張懷德增修墳兆以石爲幽堂所費皆給于官臣僚之
葬於法不許以石爲室今特詔用之自公始也再遣幹
當御藥院李舜舉奠於靈几及許幼子嘉彥將來尚主
仍諭忠彥曰先侍中忠義于國平生奏議甚多可悉錄
奏來敕崇文院遣筆吏數人至相州遂以二府忠議五

卷諫垣存藁三卷陝西奏議五十卷河北奏議三十卷
雜奏議三十卷上之上得之喜閱之殆遍後嘗因二府
奏事上問或曰韓琦嘗有此議蓋見奏議所載也又有
安陽集類五十卷祭儀一卷藏于家有司考行應憂國
忘家文賢有成之法謚曰忠獻詔本家令以行狀來上
神宗乃親製神道碑以賜之題碑額曰兩朝顧命定策
元勳之碑葬於相州安陽縣豐安村祖塋之西北原公
昆仲六人長兄次兄與第四兄皆蚤亡先太師捐館時
公方數歲惟第三兄諱瑒最長始爲州縣官後終于司
封員外郎公同母兄諱璩終著作佐郎公與著作皆育

于司封兄後公與著作同年登進士第公方爲禁從漸
貴顯而二兄相繼皆亡收恤諸孤皆同己子公氣貌嚴
重人雖望而畏之及夫接物極恭而溫初爲館職所與
游者皆一時英俊石曼卿氣豪邁多戲侮同舍獨見公
不敢少慢但時呼爲韓家蓋當時市井小民凡所畏者
尊官則呼厥姓曰某家故石效此語爲人敬服如此器
重閱博小大無所不容公自在館閣及登侍從即有重
望於天下與同館王拱辰御史蕭定基同發解開封府
舉人拱宸定基時有喧爭公安坐幕中閱試卷如不聞
拱宸忿不助已詣公室謂公曰此中習宰相器度耶公
和顏謝之及公爲樞密副使石介有慶曆聖德頌曰予
早識琦琦有奇骨可屬大事敦重如勃後爲宰相歐陽
永叔作相州畫錦堂記曰臨大節決大事垂紳正笏不
動聲色而措天下于太山之安可謂社稷之臣矣天下
傳之以爲知言堂乃公爲鄉郡時所建也慶曆中公與
杜衍富弼范仲淹同心輔政更革弊事援引正人時張
方平錢明逸王拱辰爲兩制皆歷中丞故社和公而下
爲三人者排逐指爲朋黨相繼罷去是時二府許逐廳
見賓客拱辰來見因諷勸公奮手作跳擲勢曰須是躍
出黨中公對曰琦惟義之從不知有黨也旣而公亦求

去位公之在相位也凡進人才惟以公議所在多有未
常識者人亦不知出何人門下人或可詢聞所稱薦用
之不疑嘗訪于王安石曰文行則孫覺吏事則張頡皆
可用也時二人皆常調小官公乃處覺于館閣任頡于
省府如此之類公薦引于上前者固多亦未嘗自漏上
前之語間因上有宣諭或同僚談說人始聞也公初罷
相上問孰可以爲執政者時公力薦韓絳忠直有公輔
之器上遂用爲樞密副使既而有排毀絳者上曰韓琦
引去推薦此人朕豈可違公既罷去蘇頌除修起居注
往謝二府參政趙槩曰韓公屢欲用君以魯公避親嫌

今乃上記前日韓公語矣二公始知公一嘗援已也公
待人一以至誠亦未嘗懷怨于人人或有不喜于公公
待之終不疑也慶曆中孫沔爲御史以西事詆公甚力
後公爲宰相沔以罪廢會陝西用兵起沔帥慶州過闕
賜對英宗諭曰韓琦稱卿有邊帥才故復用卿沔退而
袖長書俯伏謝罪皇愧幾無所容天章閣待制李師中
父緯昔爲陝西裨將公方領經略之任時緯與賊戰而
兵敗密詔公斬于退兵之地公特申理緯得不死而猶
重貶人莫之知也師中乃謂父貶因公所奏遂詣闕訟
公言西兵之敗當先誅元帥後緯知公嘗有言救已也

每見公未嘗不泣下叙感然師中終以前日之訟惶恐自疑後師中方坐事廢黜一日擢為高陽關安撫使賜對日神宗諭曰韓琦力薦卿有才故委以方面師中方大愧服特枉道至相臺謝公公所至惠愛及人既去思慕不已往往畫像事之揚州秦州真定太原京兆府皆有公祠魏人仍立生祠為塑像歲時奠獻以比狄梁公天下士大夫識與不識及里閭田野之人聞公之名無不咨嗟瞻慕至夷狄猶畏服公名凡奉使契丹者虜人未嘗不問公安否今在何處信使過北門京尹往來書例用押字公至則易以名副使成禹錫仍諭來介曰今

以侍中在此故特書名及公既去來者亦欲使彼名數強之卒不肯從每南來涉臨清界即戒于下曰此是韓侍中境內謹勿亂須索忠彥奉使至帳前館伴楊興功謂忠彥曰早來上面召曾使南朝識韓侍中者數人問之少卿貌類父否皆云頗類遂于宴坐令畫工密圖之而去公孤忠直道惟范公富公氣類相同相知最篤及論事于上前繫國家利害則各正色辨論未嘗以私相符同退而皆不失懽三公名重一時天下稱為韓范或韓富希文嘗遺杜祁公書曰天下始終不變者仲淹惟敢保韓富二公而已公輕財好施不計家中有無調人

之急惟恐不豐或求之愈數而意愈不倦俸祿之入月
未終而已竭是以天下之士皆歸之至于自奉養則儉
約不改于舊左右侍者不過二三人嘗曰吾閨門之內
如當日朝官時無以異也內外宗族割俸以養之者常
十數家嫁諸孤女十餘人教育諸姪皆有成立所得
恩例常先旁族交舊之子孫貧而無托者如尹沫石介
之家亦分俸以給之公天性清簡至于圖書博奕聲伎
之娛一無所好獨觀書史晝夜不倦家藏圖籍萬餘卷
卷末皆題曰傳賢子孫餘暇則喜書札素愛顏魯公書
而加以道健自成一家人觀公字體皆曰端重而剛勁

類乎爲人公孝于祖宗常恨祿不及親顧所有以奉塋
域公五代祖葬博野曾祖葬贊皇雖家牒具載葬地值
五代兵亂常趙並邊復有北胡之患子孫避地多故于
歲時灑掃蓋不能及歷祀既遠遂亡所在公常刻志求
訪嘉祐三年得曾祖府君之墓于贊皇八年得五代祖
庶子墳于博野三塋之失所在百有餘年公卒能訪而
得之世歎公孝誠所感云公娶尚書工部侍郎崔公立
之女追封魏國夫人男子六曰忠彥次端彥次良彥次
純彥次粹彥次嘉彥女子四長不育次適朝散郎王景
修次二人不育孫男曰治曰戢曰澡曰試曰浩曰澄曰

哲曰括曰拓曰裕曰楮曰洞曰格曾孫曰肖曹曰膏曹
曰碩曹曰膚曹曰顯曹曰宏曹曰穎曹曰全曹曰安曹
曰寶曹曰膺曹曰顏曹公薨後歲餘右侍禁孫勉監元
城埽一埽多墊陷費工料勉詢知有巨竈穴于埽下乃
伺竈出射殺之後數日勉方晝卧見一吏持檄召勉曰
有竈訢爾當往證之既隨吏行過一宮闕甚壯守衛皆
金甲吏兵勉詢之吏曰紫府真人宮也勉詢姓氏吏曰
韓魏公勉忽省曰我故吏也亟往求見焉既入望魏公
坐殿上衣冠若世間所畫神仙也侍立皆碧衣童子勉
砌下俯伏哀訴不已公微勞曰汝當往陰府證事乎勉

具述殺竈事又叙嘗蒙薦舉今入陰獄恐獲罪不得還
懇求庇助公乃命取黃誥示之謂曰竈非與人同被害
汝埽戮之汝職遣之使去出門所追吏曰真人釋爾吾
何敢攝也青衣人引勉至家遂寤事既傳播一日神宗
謂輔臣曰聞說韓琦為真人事否曰未之聞也上具道
所以咨嗟久之孫固時為知樞密院退而謂所親曰如
韓公平生所為豈不為真人乎元豐中忠彥以墳墓久
闕照管乞弟粹彥監相州酒稅神宗御批曰韓琦有功
於國非他臣比特依所乞仍令吏部今後常注其見在
仕子孫一人隨本資任或親民監當相州一差遣國朝

以來臣僚之家未嘗有此乃非常之恩也

忠獻韓魏王家傳卷第十終

忠獻韓魏王別錄序

熙寧四年秋河決魏北家府以都水丞待罪于魏巖叟始得見魏公五年夏公薦以為北京國子監教授其冬又辟以就幕府六年春公得請守鄉郡又延之于安陽公既在安陽多暇日而巖叟閑居且無職事方得從容獨侍公于便坐公不以為不可與言而開心寫誠無復間外其間事有時人之所不知言有古人之所未到退輒書而藏之記或未詳則他日再叩以完其說方貪嗜未足而八年六月我公已薨嗚呼清風在堂俄隔萬古望斷霄漢不聞餘音痛念二年之間公以疾居于內而

巖叟以行役于外者既已三之一良時美景與衆賓並
進于宴賞之間者又三之一則聞見于公蓋無幾矣竊
自恨其生之晚而識公之不早見公之不數而問公之
不多也姑悉所聞見者泣而次之以爲公別錄云乙卯
七月十五日涇州觀察推官前主管大名府路機宜文
字王 巖叟序

忠獻韓魏王別錄上

公至和中自相州召入奏對便殿首以建儲爲言既遷
丞相

前後蓋數十矣一日仁

宗忽開悟公賀曰堯舜之心也社稷幸甚上曰然則誰
可者公曰宗正之賢唯陛下所擇上曰昔嘗育二人爲
子一人者不慧公曰既不慧更不須論上曰如此則唯
宗實可公曰陛下既已知之則定矣遂命判宗正以試
之公已得請于仁廟許立嗣矣而宮人宦官環泣于內
大臣小臣橫議于外上意復動臨朝默默不樂公每顧
上顏色不知身之所容也洎因英廟謙讓久之不肯就

宗正而上意尤懈迺曰不如且放下公復從容獨對曰
天下咸已知之而中輟非朝廷舉動也彼退避如此迺
是有識豈可遂已上釋然曰既如此不如便就明堂前
與了當公又進曰且為皇子以待聖嗣立則必自求歸
邸上領之即日乞宣樞密臣寮諭之既而張昇至失聲
言曰許大事如何容易便做不教臣知上笑曰議已定
不須驚也當日下殿便降文字英廟既即位之數日初
掛服于柩前發而疾暴作連聲大呼語之恐人所
不可聞左右皆反走大臣輩駭愕癡立莫知所措獨公
亟投杖于地直趨至前抱持入簾曰誰激惱官家且當

服藥內人驚散公呼之徐徐方復來遂擁上以授之曰
皆須用心照管官家再三慰安而出仍戒當時見者曰
今日之事惟某人某人見外人未有知者復就哭位處
之若無事然歐陽永叔歸以語所親曰韓公遇事真不
可及也英廟初以驚疑得疾久之疾已平而疑未解潛
晦自居猶若疾者面壁堅卧不肯受藥餌公日率同列
入自捧藥以進公俯而懇告則或熟視公而不言或取
藥以覆公之衣而不顧公或跪于榻上者移時或拜于
床下者數四太后在簾間每勞公曰相公亦不易勝矣
大王汝自勸謂神宗也及大王勸之尤不顧也然須公強之

而後服英廟疾時太后一日遣使持一封文字至中書直以授公公啓之廼疏列上禁中縱意事其極曰老身今無所容相公當作主也公讀訖而懷之雍容以語使者曰但做某奏太后道太后常自言官家心神未寧帖心神未寧帖之人言語舉動不中節何足恠也安則自無矣太后意遂解英廟之疾中外莫知其誠僞且遇貂璫少恩禮左右不悅多道禁中隱密者雖大臣亦心惑其說顧未敢發口爾獨公屹然不爲衆說動一日昌言曰豈有前殿不曾差了一語而一入宮門得許多錯某好疑此事自爾人情覺公意不可搖遂不復有妄傳語

言者英廟既驟自外來又方寢疾不預事人情傾向在太后公憂宮中有不可測者一日因對於簾下深以言動太后曰臣等只外面見得官家裏面保護全在太后若官家失照管太后亦未得安穩太后驚曰相公是何言語自家更是用心公即曰太后照管則衆人自照管同列爲縮頸流汗既出吳長文曰語不太過否公曰不如此不得公既潛察英廟已安而曹后未有還政意廼先建議于英宗曰可一出祈雨使天下之人識官家上然之遂以咨太后太后怒曰獨不先稟此耶孩兒未安恐未能出公曰可以出矣太后又曰人主出不可不備

禮儀方處喪素仗皆未具公曰此小事朝廷願旨即辦
不數日喪仗成上遂幸相國寺京師之疑以解而太后
不久竟歸政曹后初未還政公力引古以動之云前世
母后更聰明者莫不以固吝權位敗名德太后若脫然
便能復辟則千古所未有請自閱史書一一可見不敢
妄也后曰自家何者敢望賢人公察其意回矣即連贊
之後數日批出文字云自某日更不御殿公亟令卷簾
撤坐乃往白上上曰莫未否公云已得親詔矣上遂釋
然初曹后難于歸政公說云當別為太后議儀制山呼警
蹕蓋衛
士五百
人之類太后既允即以諷上上正色曰相公苦崇母后豈

是好事公曰臣等以此誘勸之方肯放下陛下何惜此
邪若以輕重比之與者止如鷄卵而放下者迺如太山
富公亦贊云何啻太山專遂定曹后雖臨政只在一小
殿中屢曰此是何坐處公每對他事不應也真有微意
哉仁廟山陵已成靈駕至鄭下而傳聞皇堂石裂架以
大木矣衆人駭懼未有以處公獨曰果然則便當別為
不可病遲而憚費人臣於此豈當苟且既而迺安云

忠獻韓魏王別錄上

忠獻韓魏王別錄中

公曰能平得有已之心則為賢矣人人莫不能道之及到行時大是難事嘗合著意于此勿以為意也公嘗曰內剛不可屈而外能處之以和者所濟多矣公曰君子當先處已至于義足而後委之命可以無悔公曰閱人多矣久而不變為難公曰以之遇則可以成功以之不遇則可以免禍者其唯晦乎公曰中等以下人見利則去是其常情不須恠也公曰人情微處當深體之若直用已意以處則所失多矣公曰知其為小人便以小人處之更不須校也公元勳盛德如此而聞人一小善則

曰某不及矣公曰君子循理而動靜以自居禍福之來
非所惑也公曰人能扶人之危調人之急固是美事能
勿自談則益善矣公曰汎交之道與其所長而避其所
短則歡心得矣公曰處已以難處人以易則無所往而
不服矣公曰寡欲自事簡公曰能識理則事事無礙矣
公因論待君子小人之際公曰一當以誠但知其爲小
人則淺與之接耳凡人至于小人欺已處不覺則已覺
必露其明以破之公獨不然明足以照小人之欺然每
受之而不形也公性至仁然其臨事或誅一人與管一
人顏色不覺有異也公曰欲成大節不免小忍公曰君

子素履須當積微放過一事便爲小人所窺矣公之客
有被召而請教者公曰富貴易得名節難守孫和甫奉
使虜中過魏因請教于公公曰但勿以其爲夷狄而鄙
薄之甚善凡人語及其所不平則氣必動色必變辭必
厲惟公不然便說到小人忘恩背義欲傾已處辭和氣
平如說尋常事也公曰某平生仗孤忠以進每遇大事
即以死自處幸而不死事皆偶成實天扶持之非某所
能也

忠獻韓魏王別錄中

忠獻韓魏王別錄下

天聖五年三月二十四日唱進士第于崇政殿甲科未
絕而日五色于時羣臣皆賀後議者以爲公同升諸公
雖多至二府然終福祉稷則獨在公焉趙良規賓客嘗
曰公初入館時方二十餘歲亦未有事迹著于人者然
人意已自以公輔許之不知其何也仁宗朝李都尉喜
延士大夫盡聲色之樂一時館閣清流無不往者公於
其間獨爲年少獨未嘗造焉李數召而數以事辭人有
強之者公曰固欲往但未有名爾公處之而不失和李
既莫得以怨同時諸公亦不以爲介也石曼卿意氣豪

于素與公當蘇對效斷一車財爲小入所竄矣公之容

子素與公當蘇對效斷一車財爲小入所竄矣公之容

安陽集
俊同時諸人無不被凌謔者獨未嘗侵公也公曰某以誠待之而已公言王沂公器德深厚而寡言當時有得其題品一兩句者人皆以為榮某為諫官時因納劄子忽云近日頗見章疏甚好只如此可矣向來如高若訥輩多是擇利希文亦未免近名要須純意于國家事爾公聞此言益自信也公言王沂公當國時門下未嘗見顯拔一人物希文乘間輒諷之曰明揚士類宰相之任也公盛德獨少此耳沂公徐應之曰司諫不思耶恩若已出怨將誰歸希文惻然自失退而嘆曰真宰相也公言希文師魯皆畏沂公師魯初入館編校四年後欲得

一差遣遂自至中書援錢延年例沂公徐曰學士自待何為在錢延年等例耶師魯終身以為愧公嘗言天下事必不能如人所望仁宗朝王隨陳堯佐為輔相皆老病而不和中書事多不決韓億石中立參預又頗以私害公公時為諫官屢疏之不納後物議益喧公復上章乞廷辨一迫于正論遂盡罷四人者然當時天下之望在王沂公呂申公杜祁公范希文而公亦引薦之及宣麻之日廼張仕遜昭文章得象集賢宗庠晁宗慤參政天下大失望公曰事固如此不可知人意不能必也公既攻退四執政朝廷議欲以知制誥寵其盡忠公曰諫

行足矣因取美官非本意也人其謂何語聞事遂寢公嘗言章得象在中書時方天下多滲事且有西鄙之患每與范希文富彥國以文字至相府欲發議論輒閉目數數殊不應人彥國憤惋數欲悖之希文惜大體不許也公言希文嘗與呂申公論人物申公曰吾見之多矣無有節行者希文曰天下固有人但相公不知耳相公以此意待天下士宜乎節行者之不至也劉后上僊仁宗欲以楊太妃爲太后以問申公申公曰典故無此事上曰奈已許之矣呂曰太后樂乎上曰樂之呂即曰唯唯陛下官中甚孤立不便呂以此意密語公時諫官御

史知其非而畏其說竟不敢爭也

先是宮中以劉爲大娘楊爲小娘

公曰呂

公固多不正以結上然皆有說以勝人人亦不能奪也劉后服未除而勸仁宗娶曹后希文進曰又教陛下做一不好事他日呂語某云此事外人不知劉既上僊官家春秋盛郭后尚美人皆以寵廢以色進者不可勝數已幾於昏矣不立后無以止之公曰每事自有深意多此類范公作諫官申公不悅王隨廼面諷希文云隨近日多引師巫出入及某事某事皆可擊也希文云某不知其詳未敢聞命呂知希文不納恐事泄反以語隨云范司諫欲奏言某事某已勸之且止矣公曰呂申公極

有機智雖忌正人然亦未嘗敢全踈棄之公言杜和公
心至公而樂與人之善既知其人無復更有毫髮疑間
始某為樞密副使而杜公為太尉某輒論難一二事而
杜公不樂人或諷解之乃曰某長渠三十歲尚有誤耶久之
既相亮即每事問公曰林不滿意出為泰州居常快快
不事事公聞之語人曰已雖不足獨不思所部有百十
萬生靈公在相府時家有女樂二十輩及崔夫人亡一
日盡厚遣之同列多勸公且留以為暮年之歡公曰所
樂能幾何而常令人勞心孰與吾閒靜之樂也公舊有
德于關中秦人愛之後子華自丞相出宣撫秦之父老

有遠來觀于道傍者廼愕然相謂曰吾以為韓侍中廼
非也於是相引以去虜人每見漢使必起立致恭以問
曰韓公安否今在何處次問文富二老亦以公餘或以
官以名而已公治大名四年虜使每南來涉臨清縣即
戒其下曰此韓侍中境內慎勿亂須索以辱我也又嘗
有使曰我輩在國中想望韓公名今幸至此如何得見
故事唯通判攝少尹與之相見而已留守不出也又嘗
有諭其下者曰獻侍中馬須擇好者來既而不如指怒
曰此豈比他處而敢爾不加意遂撻其人易其馬公在
北門見客或至午方暇引公事必呼闈者諭之曰訴事

者餒矣遍曉之令飯而後來人皆慰悅然公亦未食也
公在魏時府僚路拯者就案呈有司事而狀尾忘書名
公即以袖覆之仰首與語稍稍潛卷語笑從容以授之
路君退而自愧服曰真天下盛德北京大內壁間有太
宗詩意在燕薊辭筆甚壯公之來得旨修護之既而客
有勸公進此詩者公曰修之則已安用進客亦莫諭公
既去韓絳來遂模本以進公聞之嘆曰昔豈不知進耶
顧上方銳意四方事老臣不當更導之耳凡將相隨行
公使錢令子弟主之遂以給私用無復限量獨公不然
所至一以屬本郡月之所給亦隨衆人皆著爲例例所

不當得一毫不取其外博施而內持約如此自唐以來
守北門者不知幾何人唯狄梁公有生祠公之去魏魏
人亦立生祠于熙寧佛寺儀形宛然每公誕辰士女焚
香于堂小民獻伎于庭者終日不絕公聞而笑曰我尚
生也而如此耶及公薨魏人之來赴者甚多而就哭于
祠下者尤衆近古未有也公昔在定武時爲資政定武
故老至今曰自家資政在并州時爲太尉則曰自家太
尉在相魏時爲侍中則曰自家侍中其所至得人心如
此雖去鎮十餘年相遠千里外每公誕日爲壽者常不
絕公在相州一日被司農檄括車以爲營衛籍老幼以

備入保鄰城已騷然矣公懷檄不下方草奏以言司農
已旋覺亟止前檄故獨相民未嘗驚也公嘗從容議及
養兵事慨然曰某有所思而得之者未嘗以語人人亦
未必信養兵雖非古然積習已久不可廢又自有利處
不為不深昔者發百姓戍邊無虛歲父子兄弟常有生
離死別之苦議者但曰不如漢唐調兵于民獨不見杜
甫石壕吏之詩乎調兵于民其弊迺爾後世旣收拾強
而亡賴者養之以為兵良民雖稅歛差厚而終身保骨
肉相聚之樂此豈小事又其練習戰陣而豪勇可使安
得與農夫同日而道也王安石初罷相時實不召公與

司馬君實百姓相傳云侍中三詔猶以疾辭司馬家兩
詔亦不肯行其為當時屬望愛嚮如此公長言吳文長
有先識方天下盛推王安石以為必可致太平時文長
獨曰心強性狠不可大用後卒如其言公晚年在相多
疾忽忽少意思容貌羸削非復故時巖叟嘗因從公出
游聞道傍觀者之語曰見侍中令人感動公身在外心
繫社稷老而益篤病而不忘每聞安石更祖宗一法度
朝廷一紀綱則曰泣血泣血或終日不食熙寧八年三
月上遣近璫賁詔問公曰兩朝通好垂八十年近歲以
來生事尤甚代北舊疆自有定分比亦遣官按行經界

安陽集
甚明朕亦回敦盟好固欲優容虜情無厭勢未能已今
橫使再來意在必得祖宗舊地決難順從若事有不測
其將奈何卿夙著忠義歷事三朝廼心罔不在王室國
有大政謀及故老今待遇之要備禦之方如何卿宜密
陳朕將親覽公慨然曰事至于此難於從半塗間理會
須講其所以致之之由廼可因條六疑以對其略曰開
熙河曰通高麗曰置保甲曰修城壘曰創軍器曰分將
官此皆所以致其疑者故先撓我以自為計爾實未敢
輕動也宜遣使報聘優致禮幣示之大信告以至誠極
陳祖宗以來盟好之重盡解所疑則自無事矣祖宗舊

地圖牒甚明一寸不可許也又引及熙寧以來事曰廼
始謀者之誤爾陛下若堯之仁舜之聰知所誤而改之
不吝聖人之盛德也其終曰臣歷事三朝十年輔相位
已極矣年幾七十榮守本邦無不足今日之言泚沮善
也非求進也但天下之人浸不敢以直言聞於陛下臣
實憂之顧陛下不以臣言為疑早悟以為宗社盛福泚
老臣之幸天下之幸也凡三千餘言公自手寫疏既上
公曰言行或有益于國不行亦老臣無負矣公又面語
使者曰橫使雖傲慢不肯去第勿恤待以常禮使之久
留不害也宜復選使使虜就議則渠自難安矣見上請

作韓某如此言比使者歸朝廷已許其地而蕭禧還虜
矣公起堂于北第池上以倣樂天因名曰醉白堂五月
堂成公賦二詩其一卒章云霓裳百指泚吾事只學醺
酣石上眠自是寢疾以六月二十四日薨此詩遂為絕
筆既而上遣使特為石藏以葬公始悟石上眠之句若
讖云公薨士大夫恨勲德之難名也皆嘆曰天何不留
歐公為魏公作誌文而後死也

忠獻韓魏王別錄下

忠獻韓魏王遺事

羣牧判官朝奉郎尚書職方員外郎上騎都尉強至編次
公自武定入為樞密使時仁宗嗣未立公請置內學教
宗子建儲之意默存其中事未及行仁宗倦勤甚勢漸
逼更不暇置內學每進對罷即論太子天下本不可不
預立以繫天下心語日益深切如是者前後不可勝數
仁宗終無一言不喜亦不怒公患之他日仁宗忽顧公
謂朕亦有意多時時有二宗子嘗育宮中公乘其意動
急叩之謂二宗子陛下必自能見其孰聰明智否可屬
大計仁宗以英宗為言公即將順以彼一人便若幽厲

語更不及英宗乞降聖旨劄子權判宗正司後兩府通
簽御劄張昇太尉見之懼深罪公何不素議及次日殿
上大言此事繫社稷陛下不可錯上徐曰此事與相公
經商量來昇下殿至中書又詰公公曰此甚入思慮來
不錯昇退公笑曰若與之素議豈不壞了事後英宗畏
避不就職幾半年竟以事迫使作皇子仁宗彌留英宗
即位之次日病作不能眠朝慈壽攝政疾每甚即獨召
公責曰相公自看取公謂不須如此但服下涎藥自無
事公嘗藥以進英宗怒以藥覆公公徐進藥而退慈壽
一日又獨召公入英宗疾作甚直抵二王謂公曰何不

立長君此輩做不得相公錯也公退立俱無言慈壽一
日又謂公人皆謂錯公曰不錯慈壽怒曰文字滿前後
雖大臣亦有言者公力開陳以爲不然卒能翼清躬復
大位皆公力也英宗寢疾時公一日進對罷謂慈壽曰
上疾須太后護眠若上不豫太后亦未得安慈壽怒曰
相公是何等語當時同列皆謂太峻退至中書往往責
公公曰諸君不思耳兩宮素相疑彼又內事皆在手天
性既薄若扭牙權位搖于閹官女謁之言或有不測何
以禁之衆服其遠識後覘宮中果調護日益加上後疾
愈慈壽不肯還政公每進對罷即陳歷代母后之戒權

安陽集
位不可久居久必有禍后必嘗觀史知之慈壽曰婦人
豈知讀書慈壽色勃聲厲前後以十數他日復請謂若
復辟後禮數必有加不敢損如不然臣獨當責慈壽曰
此言何足據慈壽一日忽謂公本欲且管三二年教養
疾相公迺如此公乘機力陳上前日出祈雨兩應百姓
又皆知上無恙天人如此不可不還政次日遂批出還
政英宗既臨朝公請加慈壽禮數英宗曰相公休獎縱
母后公曰慈壽之始深不肯放下臣誘以利害動以禍
福僅能復辟彼遺太山之重陛下迺惜一鷄子輕英宗
尚遲疑富公在其旁颺言曰何帝太山議遂決即建慶

壽宮歲時稱聖躬萬福出入加儀衛焉人有以使永昭
陵後公不退爲問者公曰是始英宗始立疾作不任事
慈壽懷二三時在永昭一日遣一近璫小封親札諭英
宗狂惑等事問相公如何公報云若語言無節慈壽既
云未定壘未定壘人語言何足恠他日復遣使見逼甚
公曰只乞與曾公亮以下商量曾公輩果不敢當皆云
候韓琦回公是時既使回且正內變矣一日奏對罷直
論以爲太后既無親出子上幸養在宮中久先帝有詔
爲子其於子母不爲不順若更懷猶豫聽讒佞禍亂由
此必起立人之子人皆知不若立已之子然太后既無

子不得不自認業慈壽由此語塞不復出口琦是時豈
暇自顧進退之分未幾英宗上僊今上即位一日遂懇
辭位上流涕謂相公欲何之琦一日又盡持四方士人
見責不退書開陳以謂清議不容如此豈敢安位上又
流涕不語請益他日忽宣諭已有恩命云亦不久在外
虛豕席以待故除兩鎮有袞衣待還之語公復進見謂
制語太過使臣不得安外乞改之上不許遂之相復移
雍上使諭之只候西帥回召既而召見公是時已知不
可為堅請還相次改北門事由此分矣仁廟疾欲立英
宗時允弼最尊屬心頗不平且有語一日仁宗疾亟英

宗已立親王皆入後殿國朝制度嗣天子即位先親王
賀次六軍次見百官公是先時獨召允弼入稱先帝晏
駕皇子即位大王賀允弼謂皇子為誰曰某人允弼謂
豈有團練使為天子者何不立尊行公曰先帝有詔允
弼曰烏用宰相遂循殿陛上公叱下云大王人臣也不
得無禮左右甲士已至遂賀次召諸親王見六軍百官
中外晏然英宗立數日百官朝晡臨兩府立殿兩廡上
垂簾時英宗忽疾作厲聲大呼謂殺某二府愕視不知
所處公獨投哭杖褰簾入見上廼疾作非有他變宮人
壁後遁去不敢前公廼扶上呼左右翼入時曾公已下

皆汗浹背以事出不意也英宗初晏駕急召上未至英宗復手動曾公愕然亟告公欲止召太子公拒之曰先帝復生乃一太上皇愈促召上其達權知機如此英宗初立外六班有謀變者或言于公公曰事不成不過族耳吾不懼也既而卒無事英宗即政公以其勇智不世出可與有爲乃考尋中書祖宗御批得百餘番俱缺落不完補綴僅能識其字畫皆經國長策如取太原下江南伐犬戎付中書之類編成十餘軸一日袖進英宗一見之不覺避御座是時同列皆謂公有不言教萬乘事業後上僊公哭之慟曰何事不可爲今上初即位

慈壽一日送密札與公諭及高后與上不奉意事有爲孀婦作主之語仍敕中貴俟報公但曰領聖旨一日入劄子以山陵有事取覆乞晚臨後上殿意他公莫與既見謂官家不得驚有一文字須進呈說破只是不可洩上今日皆慈壽力恩不可忘然既非大屬之親願加意承奉便自無事上曰謹奉教公文云此文字臣不敢留幸宮中密焚之若泄則問遂開卒難合上唯唯後二宮相權人莫能窺其跡仁廟靈駕欲到永昭葬且有日道路忽傳皇堂棟損有司憂駭不知所出公至鄭始聞時諸使見公鈎公旨皆欲不問而掩之公正色曰不可果

損當易之若違葬期侈所費此責猶可當亦無可奈何
若苟掩之後有壞覆人主致疑心臣下何以當責一坐
爲之嘆惜服其不苟處事必盡識且及遠既到皇堂棟
廼不損熙寧中公自長安入覲朝廷欲留之公陰知時
事遂堅請相陛辭日上謂卿去誰可屬國者公引元老
一二人上默然問金陵何如公曰爲翰林學士則有餘
處此地則不可上又不答公便退後有問公何以識之
公曰嘗讀一金陵答楊忱書窺其心術只爲一身不爲
天下以此知非宰相器太宗真宗嘗獵于大名之郊賦
詩數十篇賈魏公時刻于石公留守日以其詩藏置于

班瑞殿之壁旣成或請打石本以進公沉念謂其詩有
衛霍爲鷹犬及有復山後之意恐益啓之遂止後子華
守北門首獻焉有問公郭逵衆人謂皆出公力公曰此
等事非人臣得自專須還他主上若用人是則將順非
則開陳何爲某力始英宗欲用郝質在西府公謂質固
得但二府論道經邦地使一黥卒處之恐反使不安如
狄青才業爲中外所服一旦居此論議卒紛然而去援
之適所以害之英宗沉吟久之曰如此則用郭逵琦亦
以郭逵粗勝質遂然之旣阻其一又阻其二不可王陶
遂見誣以引往年之廝役又曰此事惟趙少師知之是

時同議以爲太躡等當近下安妥名目遂有權同簽書之號公嘗言范公一日見沂公謂宰相當顯拔人物爲朝廷用自丞相當國門下未見一人沂公曰司諫不思耶若恩盡歸已怨使誰歸范公悅若自失退語公曰真宰相器公論近世宰相獨許裴晉公本朝惟師服王沂公又嘗云若晉公點檢者亦有未是處君子成人之美不可言也不知公摘晉公何事恨不得聞之或問公威克厥愛允濟如潞公臨大事全是威何如公曰待威而後濟者亦是也然有不須威而能濟者觀公意豈以德不足者必待威以立事耶古人謂鸚鵡百鳥望而畏之

鸞鳳百鳥望而愛之其服則一其品固相遠矣公嘗謂大臣以李固杜喬爲本其弊猶恐爲胡廣趙戒以胡趙自處弊可知也此可見公出處大節公嘗謂處事不可有心有心則不自然不自然則擾太原風土喜習射故民間有弓箭社某在太原時不禁亦不騷故人情自得亦可寓武備于其間後宋相繼政頗着心處之下令籍爲部仍須用角弓太原人素貧只用木弓矢自此有賣牛置弓者人始騷然矣此蓋出于有勝心也公嘗言真廟議配享清議皆與沂公不與申公誠意不可欺如此又曰頃時丁寇入朝天下聞一善事皆歸之萊公未必

盡出萊公也聞一不善皆歸之晉公未必盡出晉公也
蓋天下之善惡爭歸焉人之修身蓋誠意不可不謹公
謂沂公為相論其事則無可數者論其人則天下信之
為賢宰相其品何如公謂申公以進賢自任恩歸于已
時士皆出其籠絡獨歐范尹旋收旋失之終不受其籠
絡公謂挺然忠義奮不顧身師魯之所存也身安而後
國家可保明消息盈虛之理希文之所存也或問二公
孰賢公曰立一節則師魯可也考其終身不免終亦無
所濟君成就大事以濟天下則希文可也公謂論性之
極不可變君子謹言恐廢其學然學者要在隨其性以

修至于成德皆可入聖若不揆性而遠求恐其反喪本
終亦無所至不可不知公惟務容小人善惡黑白不太
分故小人忌之亦少如富范歐尹常欲分君子小人故
小人忌怨日至朋黨亦起及其極君子消退巨公大人
有不能出力救之者方諸公斥逐獨公安焉一日王君
貺見公謂稚圭不如拔出彼黨向這下來公曰琦惟義
是從不知有黨君貺不悅而去後扶持諸公復起皆公
力士君子立朝不可不知此石守道編二朝聖政錄將
上一日求質于公公指數事為非其一太祖時嘗惑宮
鬟眡朝晏羣臣有言太祖悟潛伺鬟方酣寢刺殺之公

曰此不可爲萬世法已溺之廼惡其溺而殺之彼何罪
使其復有嬖將不勝其殺矣遂去此等數事守道服其
清識公執政臺諫有言訐不當理或涉薄害風教者皆
密封之終不示人呂誨趙瞻言濮園得罪御批與廣南
別駕公力陳與善地以來言者人謂公性根有仁義公
平日論時望諸公皆不以經綸許之謂才器須周可當
四面入麤入細廼經綸事業今皆可當一面才也公在
相臺作久旱喜雨詩上句言雲動風行雷雨作解之事
繼句云須臾慰滿三農望却斂神功寂似無人謂此真
出相業也公在北門里陽宴諸曹于後園有詩一聯

云不羞老圃秋容淡且看寒花晚節香公居常謂保初
節易保晚節難故晚節事事尤著力所立特完又作喜
雪詩一聯云危石益深鹽虎陷老枝擎重玉龍寒人謂
公雖在外自任以天下之重如此公爲詩用意深非詳
味之莫見其指皆此類也劉御藥好收古畫多求諸公
跋尾數冊上有金書字悉上筆餘三冊公卿多題于後
劉到北門宣公出畫冊謂獨未得公數字爲恨公題云
觀畫之術無他惟逼真而已得真之全者絕也得真之
多者上也不得其多非中即下矣持吾說以觀劉氏之
畫其可逃乎哉安陽蠢叟病中題

時公路渭相
人謂此術

不獨可觀畫亦可觀人物也

諸公題皆論一體獨公兼之

有問彥升材品

于公者公口戇直而且忠于人然過涉滅頂非伊分上所有或問之謂其膽力薄公平日謂成大事在膽未嘗以膽許人往往自許也或問君實晦叔天下所屬望他時入用何如公曰才偏規模小問晦叔平日公曰今日迺是平日人有疑公待君子小人均以誠往往為小人所欺奈何公曰不然亦觀其人如何隨分數放之耳人謂公待人誠則皆誠但有深淺以明濟之也豈可以為小人不待以誠邪皆嘆以為不可及公平日獎進人物極博至心許者不過一二人多見其與人長忘人短而

用之為太濫其實胸中不啻黑白在北門時一屬官有小才不知道公多委以事人謂公真許之他日或問公曰某人但愛任術所為不敦篤大中其弊公為陝西招討時師魯與英公不和師魯於公處即論英公事英公於公處亦論師魯公皆納之不形遂無事不然不靜矣公論為善其初往往能持久而不變為難計日計月為之者甚多也公語小人害君子猶蜂蠆之毒物遠之正使不能加諸人可謂善處矣公云臨事若慮得是當割定脚做更不移成敗則任他知此方可成務又云孤忠每賴神道相助幸而多有成其至誠自信如此孔嗣宗

任河北憲司農召議役法別公請言公不荅請益堅公
曰故舊不當無言此行但爲河北說得些衆人不敢道
者足矣嗣宗臨上馬又曰富貴易得名節難保嗣宗歸
不懌者數日終不能自克吳長文璟素以勁挺有氣節
稱公亦稱之及幕府有闕門下有以璟爲言者公曰此
人氣雖壯然包蓄不深發必暴且不中節當以此敗置
而不言不踰年璟敗皆如其言趙君錫被召別公請教
公曰平日之學正爲今日此若不錯餘不錯矣終不語
及他事又請云若上問某事以何對公曰此則在廷評
自處李清臣平日公前多論釋氏貴定力謂無定則不

能主善公每然之後朝廷斥異論者李進取頗持兩
公因書開之比來臺閣斥逐紛紛吾親得不少加定力
邪公之善諭人如此公言狄青作定副帥一日宴公惟
劉易先生與焉易性素疎訐時優人以儒爲戲易勃然
謂黥卒敢如此詬詈武襄不絕口至擲樽俎以起公是
時觀武襄氣殊自若不少動笑語益温次日武襄首造
劉易謝之公于是時已知其有量李師中爲布衣父鎮
戎退陣當斬公馳至鎮戎以賊衆我寡非諸將罪且欲
戮其爲首一人師中父在貸中方請于朝時師中赴南
宮試遂上書論功募民爲兵往應賊太擾乞斬公以謝

陝西既不行後嘗有疑公心執政有請勿害師中者公
笑曰彼是時以子救父豈可加罪人聞之咸服其公怒
然師中終未信之後擢為兩制師中方愧服且深謝之
公兄為泰倅孫元規為司理嘗薦之公遂拜元規書問
未嘗踰時不講後公為西帥兵敗元規領言責深議公
罪朝廷知罪不在主帥少謫即復自此元規慊公書問
遂絕公一日以書問元規平日事契如此若以伯氏嘗
薦而後見攻此乃韓厥之舉也若琦當言責亦不為元
規隱此何待琦之不廣願公勿疑元規亦疑之終不講
書公秉政頗以公有害已意後起廢為慶帥元規過闕

廼泣見公曰汚真小人公知汚汚不知相公公與樓澈
有舊數到大名于公公待之厚或以澈為人言者但曰
人材難全公以恩及人無求德心故所及者廣所感亦
深平時冰不知人之欺終不別白能受其欺賤官因事
爭于前每及已之誤即受之事行其直者不主已為是
若稟事嘗許觸冰而却之異日復稟終不以前日芥蒂
置于色亦惟是從之公因論退曰處去就之難者不可
猛而有迹公每聞新執政用一人嘆曰放上則易放下
則難公嘗戒人不可任性當臨事有所裁處方不失中
道公言王文正母弟傲不可訓一日逼冬至祠家廟列

百壺于堂前弟皆擊破之家人惶駭文正忽自外入見酒流滿路不可行俱無一言但攝衣步入堂其後弟忽感悟復為善終亦不言公因語華相在北門頗姑息三軍公曰御軍自有道嚴固不可愛亦不可若當其罪雖日殺百人何害人自不怨公言富公為悼倅沂公作安撫使一日謂富公即日當某位富不敢當沂公曰然進則易退則難公言仁廟御批朕用韓琦富弼范仲淹皆公議人望之所歸凡所議事仰章得象杜衍以下公心協力行之文正家藏一本一以與公今尚存也公在相舉荅詔文字與孫賁賁謂臣不密則失身莫且當孫順

公曰事至此忠臣義士亦不顧若顧之言不可出口矣公謂小人不可求遠也三家村中亦有一家當求其處之之理知其為小人處之更不可校如校之則自小矣人有非毀但當反已是一不是已是則是在我而非在彼烏用計其如何公言始以守行已當如金玉不受微塵之汚方是及其成德有所必亦有所不害者不然無容矣公嘗謂忠義之心人皆一之惟其執之不固勉之不力是以不及于古人潞公方西府人有以魏公進退諷潞公者潞公曰彥博豈可以望韓公韓公地位別彥博則有此廢材蒙朝廷擢備兩府耳人頗與潞公自知之明

歐公少許人平日惟服韓公嘗因事發嘆曰纍百歐陽
 修不足望韓公公謂歐與公同在兩府歐性素褊曾則
 齷齪每議事至厲聲相攻不可解公一切不問俟其氣
 定徐一言可否之二公皆服公謂大凡使人為善須就
 其性上做若中所無強之然不能從公判大名府一日
 倅車出按屬縣其女與簽判子踰墻私通倅妻親送至
 府廷公廼為之掌判使成抵對以掩前過仍以五百千
 助嫁公判京兆日得姪孫聿云田產多為隣近侵占不
 欲經官陳理公止于書尾題詩一絕云他人侵我且從
 伊子細思量未有時試上含光殿基看秋風秋草正離

離其後子孫蕃衍歷華要者不可勝數以其寬大之德
 致然也公判相州因祀官尼省宿有偷兒入室挺刀曰
 不能自濟求濟于公公曰几上器具可直百千盡以與
 汝偷兒曰願得公首以獻西人公即引頸偷兒稽顙曰
 以公德量過人故來相試几上之物已荷公賜願無泄
 也公曰諾終不以告人其後為盜者以他事坐罪當死
 於市中備言其事曰慮公死後惜公之遺德不傳于世
 也公判大名府日有案七又請假娶妻繼有訟其不法及
 參假送獄勘正將引斷乃令封起公案及半年後一日
 令取前案送簽廳行遣二倅乃白公曰此人自封案後

頗謹愿不為非法乞恕罪如何公乃問二倅曰二公知
某封案之意乎曰不知公乃云此人緣請假娶妻繼而
至訟當時若便斷遣必傷三家人情此人與父母必咎
其妻而妻之父母亦不悅所以封起案卷今已半年矣
無可疑者請一面行之公之臨政雖輕刑亦必致慮其
後子孫蕃衍充滿要塗皆公處心仁恕而致然也

忠獻韓魏王遺事

安陽集目錄

河南彰德府知府同安後學黃邦寧遠亭重修

卷第一

古風二十三首

瓊花

夜合

蜂蠶

啄木

來鳳

感花

落葉

讀劉易春秋新解

荅孫植太傅後園宴射

廣陵大雪

荅袁陟節推遊禪智寺

和袁陟節推龍興寺芍藥

歲早晚雨

喜雪答趙宗道學士

閱古堂

眾春園

覽資政富公新詩

謝資政富公再以近詩

見寄

苦熱

後園寒步

臘日出獵近郊

病鶴貽劉易

示直彥

卷第二

古風二十二首

謝宮師杜公寄惠草書

遊開化寺

再賦

晉祠池魚

難老泉

甲午中秋夜不見月 病中望雪

離并州至晉祠次韻荅宣徽富公

塗次荅宣徽富公書意

畫錦堂

康樂園

休逸臺

荅章望之秘校惠詩求

古瓦硯

荅陳舜俞推官惠詩求

全瓦古硯

觀胡九齡員外書牛

中秋對月送姚闢教授南歸

喜雪

別鎮陽監倉陳薦祕丞

寒食親拜二墳因誡子姪

初赴早朝

次韻荅子淵學士

寄題西京致政張郎中靜居院

卷第三

古風九首

戊申臘寒

榮歸堂

謝并帥王仲儀端明惠葡萄酒

安正堂

善養堂

孫賁書記以齊安舊文為示感而成詠

開泉

虛心堂會陳龍圖

醉白堂

卷第四

律詩五十四首

龍

鳳

次韻和春卿學士早春

明鎬學士領漕益州次韻和子淵學士春雨

周沆著作宰秀州嘉禾

叔平學士知青州館直二闕

張唐卿狀元通判陝府

和春卿學士桺枝詞五闕

和春卿學士上元罷燈

次韻酬子淵學士燈夕不出聞諸公繼有遊賞

和邃卿學士雪霽登秘閣

上巳前與同舍出郊過金明池

和春卿學士登廣文書閣觀京闕之盛

和曼卿學士明河 葉參兵部知湖州

邵亢茂才南歸 陳洎太博知虢州

王礪寺丞河南知錄 次韻和方謹言即中再

觀省中手植竹 寄葉參兵部

馬尋比部兩浙提點刑獄

陳商學士知常州

得太漬檜植館

宋任著作宰江寧溧水

道卿學士領二浙漕賦得酒

再賦柳枝詞二闕

離都 已上八首接
伴塗中作

上巳

寓目

行早

寒食

登永濟驛樓

塗中暑熱憶諸同舍

聞角

雄州遇雪 已下四首
北使日作

紫濛遇風

使回戲成

過虎北口

戲題仙掌

題利州昭化驛

過三泉龍門二闕

漫天嶺

題嘉州嘉望亭

再賦一闕

韓瀆學士領益漕

卷第五

律詩四十二首

皇子誕慶五言十二韻

慶歷甲申郊禮告成五言十韻

止御路寢致齋雪作行禮日景色澄霽

雲

霜

初雨

新柳二闕

惜花

柳絮二闕

錦被堆二闕

牡丹初芽為鷓鴣之感

而成詠

遊蜂

新燕

過隋城

苦雨方霽蛙聲不已

題翠鐘亭

蜀葵

中秋月二首

張逸人歸杭

荅丹陽李公素學士

謝丹陽李公素學士惠鶴

和潤倅王太博林畔松

菊

重九會光化二闕

黃通尉鄖鄉

荅胡恢推官

春晴

春霖

馬上成春雪二闕

過梁山泊

移帥真定次韻荅致政杜公

常山出郊馬上口占
登西大悲閣

別潭

新館

次韻和兗州王待制過汶上見寄

中秋不見月

卷第六

律詩八十三首

北嶽

喜雪

上元罷燈

郡西齋有夜合萱草對

開因成二闕

謝真定李密學惠牡丹

荅陝府春卿資政

再荅

題覽勝亭

在北城上

題養真亭

北塘避暑

次韻和致政王子融侍

即歸休述懷二首

次韻和真定李侍郎新

初流杯

次韻和機宜陳薦請遊

城北池館二首

秋夕二首

秋日出郊

中秋月

蒙恩加職寄餘杭希文資政

重九次韻荅真定李密學

次韻荅致政宮保杜公

依前韻再荅
送省府崔刑部

雪
白髮有感

晚步後園覺有春色
北樓春望

寒食
感事

上巳北塘席上
喜雨

北塘春雨
再謝真定李密學惠牡

丹
新植花開

牡丹二首
落花二首

郡圃初夏
夏暑北塘

覽劉易詩集感其遊賞江山放懷自適

席上聞蟬
次韻和國信趙內翰北

口見寄
寄題廣信軍四望亭

與餘杭希文資政經時兩絕音問忽得信止與

近致書同日因以詩寄

一志
閱古堂八詠
牡丹

芍藥
垂柳
壘石
藥圃
溝泉
小檜

芭蕉
次韻荅承旨王端明

七夕同末伏會眾春園

初秋塘上

次韻荅渭帥王龍圖

覽渭帥王龍圖西行詩集

送劉易歸洛

次韻荅侍讀張龍圖索

閱古堂詩石本

閱古堂前植菊二大本

九月十八日花猶未開因以小詩嘲之

北塘重九

試獵

禱雪有感

次韻荅留臺春卿集賢

侍郎

再荅

再荅

後園閑步

北塘探春

觀稼回北園席上

燈夕遇雪席上

次韻荅致政杜公小詩

見寄

次韻荅致政杜公遷職

惠詩

種樹

壬辰寒食衆春園

釋奠廟中作

壬辰重九即席

次韻荅留臺春卿集賢

侍郎見寄

壬辰歲除喜雪

賓雁

卷第七

律詩五十五首

次韻荅致政杜公以加節見寄

次韻荅留臺春卿侍郎以加節見寄二首

清明獲鹿道中
過井涇淮陰侯廟

離天威驛
過故關

百井路山桃盛開
黑砂嶺路平定軍西

過側石驛
出山口

送門人曾宏秘校登第南歸

呂景初殿院被召歸闕

初伏柳溪缺

重九以疾不能主席因成小詩勸北園諸官飲缺

并寒秋晚缺
過太原舊城

晉祠

獅子柳在晉祠

長生蘋出晉祠

過甘泉寺

甲午冬閱

賀官師杜公增秩

賀觀文富公遷職

賀春卿加資政大職

走筆戲呈機宜著作與諸同席

上巳柳溪席上次韻荅機宜張吉甫判官勸飲

柳溪嘲蓮

次韻荅永興安撫文公

次韻和都運崔諫議寄示立春前一日宿嵐谷

山程

代書寄大資政春卿侍

即

六月六日雨後過嶽廟

遊從封寺觀稼席上

自和

待制崔暉給事移守圃

田

蒨觴

北園秋雨

病中喜雪

屬疾

次韻荅運使楊旼舍人

至和乙未元日立春

元夕

春寒

後園春日

乙未寒食西溪

上巳西溪同日清明

水嬉

卷第八

律詩四十二首

謝官師杜公寄示詩編

次韻謝官師杜公惠詩慶富公為代

寺底遇大雨寄呈二運使

早行

褫亭道中農居

山行

過微子嶺

過吳兒谷

過涉縣熊耳山

至昭德

拜墳

喜雨

觀稼二首

觀稼回

早赴墳莊

再出行田

送張吉甫寺丞歸洛

賀春卿宣徽出帥延安

重陽甲子雨霽

登抱螺臺

次韻荅滑守梅龍圖重陽惠酒二闕

次韻荅滑州梅龍圖惠鼎州柑橘

寒食會康樂園

次韻荅滑州梅龍圖以

詩酒見寄二闕

拜西墳

次韻酬滑州梅龍圖惠詩

次韻和滑州王龍圖寒食溪園

次韻荅磁州王復都官

上巳會城北新磴

晝錦堂賞新移牡丹

暮春康樂園

庚申相臺閔稼

苦雨

次韻酬滑州梅龍圖惠

酒

冬至前一日雪

臘日出獵二首

元日雪

新歲拜墳二首

寄并帥龐公古瓦硯

次韻荅并帥龐公謝寄古硯

寄題滑州梅龍圖西溪園

寄題滑州梅龍圖西溪

卷第九

律詩三十六首

御製後苑賞花釣魚奉聖旨次韻

御製天章閣觀三聖御書奉聖旨次韻

恭謝天地慶成五言六韻

裕享慶成五言二十韻

明堂慶成五言二十韻

天章閣觀御飛白書五言十韻

樞廷對竹

韓縝太傅之任洋州

荅定帥仲儀龍圖寄示閱古堂詩刻

夏暑書事

夏暑早朝二首

重九席上賦金鈴菊

召賦天章閣觀新相

祈雪宿齋醴泉觀

戊戌元日喜雪

張吉甫殿丞宰資陽

次韻和崔象之寺丞西亭雨中

庚子重九菊未盛開席上偶成

九日賞菊未開席上次韻荅崔象之寺丞

覽崔象之寺丞詩編

和崔象之紫菊

裕享加恩押班宣制

辛丑中秋不見月

崔象之中舍宰陽翟

辛丑季秋大饗明堂中書宿齋

中書東廳十詠 迎春 牡丹 夜合

四季 綠篠 芴蕝 山芋 盆池

假山 馴鵲

卷第十

律詩三十三首

崔象之宰韓城 駕幸西太一宮祈雨

駕幸西太一宮道傍耕桑者皆以茶絹賜之

駕幸西太一宮陌上耕者叱牛聲厲左右皆笑

之

駕幸西太一宮謝雨 從駕過金明池

駕幸金明池 寄崔象之國博

甲辰景靈宿齋謝雨 癸卯喜雪

聞崔公孺國博將入都近重九未至

晚秋有感 次韻荅崔公孺國博

先君寫真得永叔為之贊而君謨書其側崔公

孺國博以詩稱美次韻荅之

次韻和崔公孺國博觀君謨所書孝親崇福院

牌 次韻和崔公孺國博觀

新模鄴王書 次韻和崔公孺國博模

刻文正范公闕古堂詩

次韻和崔公孺國博新模正獻社公草書

次韻荅崔公孺國博西亭感懷

甲辰冬雨

留崔公孺國博

乙巳重九

乙巳郊禮慶成五言二

十韻

次韻和崔公孺國博西

亭感懷

感春貽崔公孺國博

次韻和崔公孺國博黃杏花

貽崔公孺國博

次韻和崔公孺國博遊

興國寺廣嚴院

次韻荅崔公孺國博西

亭燕飲

丙午上巳瓊林苑賜筵

首夏西亭

召赴天章閣觀新刻仁

宗御詩

次韻和崔國博西亭喜

雨

卷第十一

律詩三十二首

永興寒食後池

席上自和

清明興慶池上

垂蘿洞

上巳會興慶池二首

上巳晚遊九曲池

春陰馬上

聞轉運范純仁司封會

興慶池

登廣教院閣

賞北禪牡丹

次韻和都運孫永待制

廣教院三頭牡丹

賞西禪牡丹

四月望日會興慶池

送湫馬上始見終南

會故集賢崔侍郎園池

再賦

登崔園城上亭

覽諸人贈狄國賓察推詩

送范純仁司封移漕京西

涼樹池二闕

長安府舍十詠

流泉

涼榭

北塘

雙石

月臺

池亭

山樓

流杯

石林

竹徑

卷第十二

律詩二十二首

題致政趙剛大卿卧雲堂

題致政趙剛大卿宴息堂

戊申末伏與立秋同日

初伏長安遇雨

題靈泉觀

題温湯

題朝元閣

遊石甕寺路險而返

靈泉覽古

題鎮潼西溪

題靈臺觀

題希夷先生真堂

中秋之八日觀雲臺觀

冲觀大師北軒羣花盛開

題玉泉院

破石道中

澗池道中

戊申西洛中秋對月

次韻荅崔公孺比部至陳橋驛來別相會

又次韻荅夜宴陳橋驛

又次韻荅陳橋話別

重九與諸親會別陳橋

驛

早發韋城

卷第十三

律詩二十三首

初拜先墳

再題畫錦堂

再題休逸臺

再題康樂園

狎鷗亭

觀魚軒

洗竹

刪柏

放泉

冬至祀墳

燒煤戲成

悲二木

喜雪

雪霽登休逸臺

謝觀文趙尚書寄示集注老子

雙磴

壕林

元日祀墳馬上

栽花二闋

次韻荅并帥王仲儀端明以詩見寄
次韻荅宮保張相公長篇見寄

留題相州王琬推官園亭

卷第十四

律詩三十一首

次韻荅王拱辰宣徽將交政惠詩

上巳屬疾

會食許公亭

扶溝宰周源來求二蘇兄弟留題丁白鶴觀詩

次韻荅子淵趙學士 再荅二闕

寄致政趙少師

又寄二闕

登望宸閣

登金銅門

立秋日後園

己酉中元

中秋席上

九日水閣

次韻和機宜強至都官喜雪

次韻再荅

雅集堂

望宸閣雪後

己酉歲除夜雪

春陰席上

龍興燈夕

上元遇雨席上

春雪

中和節後園

仲春釋奠

庚戌二月十六日寒食會雅集堂

會壓沙寺觀梨花

次韻和宋迺推官壓沙

惠詩

過全福寺

卷第十五

律詩三十二首

上巳會許公亭二首

次韻和通判錢昌武郎

中上巳許公亭惠詩

次韻和留守宋迺推官遊宴御河二首

三月十八日上水關

三月十八日會望春亭

西園初暑

寄西臺子淵趙學士

苦熱未雨

雨足晚晴

庚戌秋分

中秋遇雨

次韻和通判錢昌武郎中秋遇雨

中秋筵散雨餘見月色

重九會安正堂

重九晚登騎山樓

壓沙寺梨

送卿師上人

送謝山人歸紫霄舊隱

通判錢昌武代歸以詩見別次韻爲答

屢雪

雪二十韻

次韻和張宗益工部初到相臺書事

再和

又次韻和題休逸亭

再和

次韻荅張宗益工部

殘臘

次韻荅致政官師張相

公

次韻荅相州張宗益工

部

又次韻荅

卷第十六

律詩三十二首

辛亥二月十五日

辛亥寒食

清明會壓沙寺

同賞梨花

又一闕

辛亥上巳會許公亭

許公亭席上別鎮帥呂公孺諫議

同賞牡丹

辛亥三月十八日遊御

河二首 缺

游河遇雨 缺

次韻荅致政趙少卿 缺 喜雨應禱 缺

次韻荅簽判沈唐太丞應祈雨足

寄致政歐陽少師 盛暑思接榮歸之遊寄

相守張工部

辛亥七夕未伏

七夕會關亭觀蓮

貽邢臺史大卿

元城埽行河

行河道中

辛亥八月十六日社始月望

辛亥八月十六日夜復值陰晦

中秋飲散始微見月 九月四日會安正堂

辛亥重九會安正堂即席再賦

辛亥重九登騎山樓 和連判張端秘丞戲題

安陽郡園 代郡園見答

再戲郡園 再代荅

卷第十七

律詩三十三首

御河舟中 視河愜山

至節筵間喜雪 元宵席上

次韻荅致政歐陽少師退居述懷二首

壬子上巳會許公亭 上巳視愜山新堤

壬子寒食會壓沙寺二首

同賞梨花 落花

壬子三月十八日遊御河二首

舟中再賦一闕 安正堂觀牡丹

致政宮師張相公遠惠嘉篇謹次元韻爲荅

又次韻和續成絕句 聞致政趙少師遠訪歐

陽少師于潁川 同前都水王荀龍郎中

將帥二三知舊遊天平山寺

次韻荅致政趙少師感懷

壬子中秋對月

登大安寺閣

八月十九日賞菊

壬子九月七日會大安

寺

壬子重九

趙資政再尹西蜀

壬子冬至喜雪

次韻荅接伴夏倚少卿

壬子十一月二十九日時雪方洽

新移宴廳

癸丑燈夕

春分方見迎春盛開以小詩嘲之缺

卷第十八

律詩三十二首

癸丑初拜先墳

次日早赴西墳

墳北觀泉

初會畫錦堂

次韻荅提點醴泉張宗益工部喜還鄉郡

初會榮歸堂

再題狎鷗亭

初登休逸臺

榮歸觀蓮戲成

再葺雙磴

喜雨

再題康樂園

次韻荅安撫滕甫侍讀

誕日惠詩

癸丑七夕會北第

中元病起

次韻荅張宗益工部喜

陳薦龍圖竇舜卿侍郎同至相臺

次韻荅陳龍圖述北第林泉之勝

題王荀龍郎中長興院新葺雙清堂

八月十四日留監牧張竈職方賞月

中秋陰未見月 次韻荅前水監王荀龍

郎中重九感懷 重陽二首

次韻荅提舉陳龍圖重陽感舊

秋晚赴先塋馬上 初冬祀墳二首

次韻荅判河陽文潞公述相洛所居之勝

題忘機堂 屬疾

再題觀魚軒 歲末省墳

卷第十九

律詩三十八首

元日記墳 喜雪

甲寅燈夕會淨明寺 甲寅上元

次韻荅王荀龍郎中旅次除夜

寄題致政李太傅園亭

早春病起 北第洛花新開

郡圃春晚 寄院主淨慧大師

春寒呈提舉陳薦龍圖

癸丑再題康樂園 春日磴亭同會

寒食祀墳二首

寒食東墳

靈嶽道中

村名

清明同上已

寒食開園

晝錦堂同賞牡丹

晝錦堂再賞牡丹

暮春書事

暮春書事自和

北第同賞芍藥

狎鷗亭同賞芍藥

久旱喜雨

初伏避暑

寄提舉劉司封

七夕

次韻荅文侍中寄示韓

晉公村田歌舞圖顏魯公跋尾仍使題于後

甲寅中秋對月二首

提舉陳龍圖遷居邢臺

二首

甲寅重九

孟冬朔日祀墳二首

祀墳馬上

卷第二十

律詩二十七首

次韻荅趙少師以南京永壽禪院主僧崇祐於

新鐵鑄佛大殿後建堂寫真於其中

次韻荅提舉劉司封見訪

次韻和文潞公題王右丞維輞川圖

次韻和文潞公題韓晉公村田歌舞圖

次韻荅提舉王郎中

次韻荅提舉王郎中歲除有感

閔農

假竇侍郎安車元日記

墳

元日記墳道中

提舉陳龍圖春寒惠然見訪

北第會陳龍圖

驚老菴會陳龍圖

浮醴亭會陳龍圖

提舉陳龍圖特垂顧遠

促歸軒

乙卯上巳會浮醴亭

三月五日會浮醴亭

乙卯寒食祀墳

祀墳道中

祀墳遇風

北第同賞牡丹

觀王推官園牡丹

乙卯晝錦堂同賞牡丹

柳絮

乙卯北第同賞芍藥

北第再賞芍藥

狎鷗亭同賞芍藥

初會醉白堂

卷第二十一

記

定州重修北嶽廟記

定州新建州學記

定州衆春園記

定州閱古堂記

并州新修廟學記

相州新修園池記

揚州廳壁題名記

定州廳壁題名記

晉太尉嵇公廟記

卷第二十二

序

諫垣存藁序

文正范公奏議集序

韓氏家集序

三司封荆王集後序

三朝聖政錄序

趙少師續注維摩經序

韓氏參用古今家祭式序

卷第二十三

雜文

題柳仲塗天平山記後

無友不如已解

策問

五賢贊并序

孟子荀子揚子
文中子文公

三賢贊并序

子產裴公
王公

故衛尉卿贈兵部侍郎高公寫真贊

揚州蓮花漏銘

裕享樂章二首

嘉祐明堂樂章一首

唐太子太師贈司空鄭國魏公贊并序

卷第二十四

表狀

代三司謝賜內藏庫綢絹表

謝知制誥表

謝降御前劄子表

謝復官表

謝轉官充秦鳳路經略

安撫招討使表

謝改觀察使表

謝賜詔書示諭表

辭免諫議大夫表

涇州謝差中使宣諭表

賀皇子降生表

遷葬求郡謝賜批荅不允表

卷第二十五

表狀

揚州謝上表

謝轉給事中表

揚州謝賜曆日表

賀鴻慶宮奉安三聖御

容禮畢表

鄆州謝上表

成德軍謝上表

定州謝上表

謝賜禁中銀救濟飢民表

謝賜詔書獎諭表

辭免資政殿大學士第

一表

第二表

謝表

謝轉禮部侍郎表

謝加觀文殿學士再任表

卷第二十六

表狀

辭免武康軍節度使表

第二表

謝表

并州謝上表

乞知相州第一表

第二表

知相州乞罷節鉞表

相州謝上表

卷第二十七

表狀

辭免集賢第一表

第二表

謝表

辭免祿享加恩第一表

第二表

謝表

辭免昭文第一表

第二表

謝表

進嘉祐編敕表

辭免登極覃恩第一表

第二表

謝皇帝表

謝皇太后表

卷第二十八

表狀

甲辰冬乞罷相第一表

第二表

第二表

第三表

乙巳夏乞罷相第一表

第二表 第三表

災異待罪第一表 第二表

第三表 乙巳冬乞罷相第一表

第二表 第三表

卷第二十九

表狀

丁未因中丞彈不赴文德殿常朝待罪第一表

第二表 丁未夏乞罷相第一表

第二表 第三表

丁未秋乞罷相第一表

第二表

卷第三十

表狀

辭免使相第一表 第二表

謝除使相判相州表 免冊命表

謝賜宅表 永興軍謝上表

戊申相州謝上表

卷第三十一

表狀

判大名府三年乞閒郡第一表

第二表

第四表

北京謝再任表

第一表

北京河決待罪表

卷第三十二

表狀

癸丑相州謝上表

賀收復熙河等州表

城兵士表

第二表

乙卯夏乞致仕第一表

第二表

卷第三十三

奏狀

乞外任知州狀

第二狀

代狀

狀

代中書謝歲節御筵狀

代中書謝進皇子降生詩獎諭狀

進皇子降生詩狀

應詔舉王居白堪充選擢任使狀

乾元節陳乞姪景淵恩澤狀

移帥陝西緣邊四路謝賜緡錢狀

陳乞姪景先差遣狀

明堂陳乞妻甥杜儀恩澤狀

中書進天章閣觀祖宗御集錫宴詩狀

中書進仁宗英宗挽辭二狀

上永昭永厚陵名二狀

卷第三十四

奏狀

辭免三司使

第二

辭免樞密使

第三

甲辰冬乞罷相

第三

第二

第四

第五

乙巳乞罷相

乙巳冬乞罷相

第三

第二

第四

第五

丁未春辭免司空兼侍

中

第二

第三

丁未秋乞罷相

第二

第三

第四

卷第三十五

奏狀 劄子附

罷相辭免兩鎮

第二

第三

第四

辭避賜第

第二

乞男忠彥名試中等與館職

永興軍乞移鄉郡八狀

第二

第三

第四

第五

第六

第七

第八

修仁宗實錄畢乞不推恩

辭免河北四路安撫使

第二

乞只充大名府路安撫

使

第二

卷第三十六

奏狀 劄子附

北京乞就移徐州

第二

第三

第四

到魏二年乞移邢相州

第二

第三

第四

北京辭免加節再任

第二

第三

謝令男忠彥撫諭

到魏三年乞納節移邢

相

第二

第三

第四

第五

第六

第七

劄子

到魏四年乞移鄉郡

第二

第三

納北京再任加恩告敕

并支賜申狀

甲寅秋乞致仕

第二

第三

乙卯夏乞致仕

第二

卷第三十七

書啓

與文正范公論師魯行狀書

獻所業上兩府啓

謝直集賢院啓

謝知制誥啓

謝復官啓

謝觀察使啓

上大名知府王龍圖啓

代張若谷密學謝啓

代司封兄上昭文相公

啓

代崔勉寺丞謝轉官啓

卷第三十八

書啓

昭文相公以下十啓
代司封兄

集賢相公

中丞

轉運賀冬

洪州知府學士

昭文相公

集賢相公

學士

安撫待制

鄂州知郡郎中

狀元入著學士

詳議殿丞

淄州知郡學士

連使郎中

楚州知郡都官

海州知郡郎中

宿州同判屯田

秀才杜

轉運祠部

撫州臨川知縣寺丞

光州知郡狀元學士

明州同判屯田

相州知府學士

舒州知郡郎中

狀元正言學士

楚州知郡都官

連使學士

江西運使兵部

壽州知府學士

知府密學

永興招討太尉

同前

同前

鄆州赴上謝兩府

乞致政上二相

卷第三十九

書狀

大使回諸州去日遠迎

副使

大使回天雄軍澶州二

運使去日遠迎

副使

使副回去日不經歷州軍遠迎

大使回諸州回日遠迎

副使

大使回天雄軍澶州并

二運使回日遠迎

大使去日回諾州書

白溝謝筵狀

以下契丹國表狀

新城謝撫問表

燕京謝酒果狀

檀州謝湯藥表

副使

中京謝皮褐衣物等表

謝館宴狀

謝簽賜酒食狀

謝酒果狀

謝春盤幡勝狀

謝生餼狀

謝射弓筵狀

謝餞筵狀

回燕王狀

副使

回中京留守狀

副使

謝燕王請赴筵狀

副使

謝中京留守請赴筵狀

副使

謝中京留守餞送狀

副使

謝燕王餞送狀

副使

卷第四十

制詞

中書試制詔三道

邊鎮節度使加平章事制

限二百字
以上成

中書舍人除御史中丞制

限一百五十
字以上成

誠勵風俗浮薄詔

限二百字
以上成

王堯臣除翰林學士制

郭稹除刑部員外郎制

魏昭昞除防禦使制

王克基除東上閣門使制

龍昌期等授試國子四門助教制

夏隨除觀察使制

李端愿除西上閣門使制

吳有隣除駕部員外郎制

安陽集目錄
王果除諸司使序

江中立除秘書丞制

高繼隆除諸司使制

韓鑑除祥符縣主簿制

穆思齊除大理寺丞制

陳道古除大理寺丞制

柯慶文除著作佐郎制

燕褒除大理評事制

李迪曾祖在欽贈太師制

曾祖母潘氏追封魯國太夫人制

祖母白氏追封

國太夫人制

祈福道場白文

祈福道場功德疏文

卷第四十一

冊文

仁宗皇帝哀冊文

英宗皇帝尊號冊文

英宗皇帝哀冊文

卷第四十二

祭文

代開封知府諸廟謝雨文

揚州祭聖母祠祈雨文

諸廟祭文

北嶽祈雨文

北嶽祈雨文

北嶽祈雪文

北嶽謝雪文

北嶽謝雨文

北嶽祈雪文

北嶽謝雪文

北嶽再祈雪文

太原諸廟祈雨文

諸廟謝雨文

蒙山祈雪文

諸廟祈雨文

祭告四代祖鼓城府君文

祭告四代祖塋土地文

祭告五代祖庶子文

祭告五代叔祖二處士文

祭告永寧軍先塋土地文

葬安國夫人祭告祖塋文

葬安國夫人祭告先塋文

卷第四十三

祭文

祭龍圖尹公師魯文

祭文正范公文

祭僕射王公伯庸文 祭正獻杜公文

祭狄相文 祭贅隅先生文

祭范寬之刑部文 祭文潞公太夫人文

祭崔良孺殿丞文

卷第四十四

祭資政吳長文文 祭安退先生劉君文

祭崔公孺比部文 祭致政學士趙君子淵

文 祭少師歐陽永叔文

卷第四十五

挽辭

章獻明肅皇太后挽詞二首

章懿皇太后挽詞二首

章惠皇太后挽詞二首

仁宗皇帝挽詞三首

英宗皇帝挽詞三首

司徒侍中杜公挽詞三首

僕射王公挽詞三首

張汝士寺丞挽詞二首

江西提點刑獄闔顯即中挽詞一首

致政王子融侍郎挽詞三首

太尉侍中宋公挽詞三首

蘇洵員外挽詞二首

太尉呂公挽詞二首

卷第四十六

墓誌

錄附鼓城府君墓誌石序

錄載五代祖庶子并其二弟墓誌序

重修五代祖塋域記

叙先考令公遺事與尹龍圖書

太夫人胡氏墓誌銘

長兄德清尉墓誌銘

二兄監簿以下墓誌銘

三兄司封行狀

五兄著作墓誌銘

新婦賈氏墓誌銘
誌石蓋記

姪太常寺太祝直彥墓誌銘

錄夫人崔氏事迹與崔殿丞請為行狀

姪殿中丞公彥墓誌銘

姪孫試秘書省校書郎確墓誌銘

姪孫愷墓誌銘

姪孫四殤墓記

三姪孫女墓記

卷第四十七

墓誌

故崇信軍節度副使檢校尚書工部員外郎尹

公墓表

故衛尉卿致仕高公墓誌銘

故太常博士通判應天府贈光祿少卿孫公墓

誌銘

故客省使眉州防禦使贈遂州觀察使張公墓

誌銘

故尚書都官員外郎贈工部郎中杜公墓誌銘

故將作監丞通判陝府張君墓誌銘

故河南尹君墓誌銘

卷第四十八

墓誌

故許州觀察推官曾君墓誌銘

故安康郡太君陳氏墓誌銘

故仁壽縣君張氏墓誌銘

故壽安縣君王氏墓誌銘

故東平縣君呂氏墓誌銘

卷第四十九

墓誌

故秘書省校書郎韓恬墓誌銘

姪孫亶奴墓誌

故尚書比部員外郎崔君墓誌銘

故尚書祠部郎中集賢校理致仕趙君墓誌銘

故太常博士周君墓誌銘

卷第五十

墓誌

故觀文殿學士太子少師致仕贈太子太師歐

陽公墓誌銘

故樞密直學士禮部尚書贈左僕射張公神道

碑誌

故尚書工部侍郎致仕贈工部尚書崔公行狀

安陽集目錄畢

姑蘇...

姑尚書工...

...

姑蘇...

...

